



We are the Dead.

*Short days ago
We lived, felt dawn, saw sunset glow,
Loved and were loved, and now we lie
In Flanders' fields.*

Allan o 'In Flanders' Fields' by John McCrae



Cofebion

Mae cofebion rhyfel yn bodoli mewn trefi a phentrefi ledled y DG. Codwyd llawer er cof am y dynion a ymladdodd yn y Rhyfel Byd Cyntaf (1914–1918) ac yn aml ychwanegwyd atynt ar ôl diwedd yr Ail Ryfel Byd (1939–1945). Adeiladwyd eraill i goffáu croestyniadau mwy diweddar. Os edrychwch, fe'u gwelwch nhw mewn sgwariau trefi, ar y stryd fawr ac mewn hen ffatrioedd a mynwentydd. Fel arfer, codwyd y cofebion gan y cymunedau lle bu'r dynion, a fu farw, yn byw ac yn gweithio. Eu pwrpas oedd bod yn goffadwriaeth parhaol o aberth y dynion a'r golled i'r gymdeithas.

Mae'r **Goedfa Goffa Cenedlaethol** yn Swydd Stafford hefyd yn un o ganolbwytiau Cofio ac mae'n cynnwys llawer math o gofebion i'r rhai oedd mewn croestyniad neu a effeithiwyd ganddo.

Ar furiau'r gofeb hon, mae dros 16,000 o enwau dynion a merched y gwasanaeth milwraidd a laddwyd mewn brwydr ers 1945.

Diwrnod y Cadoediad

Gorffennodd y Rhyfel Byd Cyntaf yn swyddogol ar yr unfed awr ar ddeg o'r unfed diwrnod ar ddeg o'r unfed mis ar ddeg, 1918 – Diwrnod y Cadoediad.

Roedd tua naw miliwn o bobl wedi eu lladd. Anafwyd miliynau eraill a distrywiwyd teuluoedd. Roedd nifer o grwpiau yn benderfynol o beidio byth ag anghofio beth ddigwyddodd, nac aberth cynifer. Dechreuodd y weithred o Ddistawrwydd Dau Funud ar ben-blwydd Diwrnod y Cadoediad yn 1919. Yn 1921 ffurfiwyd y Lleng Brydeinig Brenhinol a mabwysiadwyd 'Diwrnod Cofio' fel diwrnod Cofio cenedlaethol. Bydd miliynau o bobl yn rhoi'r gorau i'r hyn maent yn ei wneud i gadw Distawrwydd Dau Funud am 11 y bore ar yr 11eg Tachwedd bob blwyddyn er cof am y rhai a fu farw ymhob croestyniad.



Y pabi

Mae'r pabi, a wisgir gan lawer ohonom bob blwyddyn, yn symbol cyfarwydd. Un o'r ychydig bethau orosodd y gad yng Ngogledd Ffrainc oedd y pabi a daeth ei wydnwch disgrair a siriol yn wyneb y fath erchyllterau obaith i'r milwyr. Ar ôl y Rhyfel, gwerthwyd pabiau papur i helpu'r milwyr clwyfedig a'u teuluoedd. Y Lleng Brydeinig Brenhinol, ceidwad cenedlaethol Cofio, a ddechreuodd y Diwrnod Cofio cyntaf yn 1921.

Heddiw, bydd y Lleng yn gwneud ac yn dosbarthu dros 36 miliwn o babiau yn flynyddol.

Gwisgir y pabi fel symbol i gofio'r rhai a ymladdodd ac a laddwyd mewn croestyniad, yn ogystal â'r rheiny sy'n ymladd ac yn aberthu eu bywydau hyd heddiw. Mae hefyd yn ein hatgoffa i werthfawrogi'r heddwch a'r rhyddid a gawn.